



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ილტობა

ილტობა, სოფელი დუშეთის მუნიციპალიტეტის მჭადიჯვრის თემში (მცხეთა-მთიანეთის რეგიონი), ალევის ქედის სამხრ. დაბოლოებაზე, მდ. ქსნის მარცხ. მხარეს. ზ. დ. 850 მ, დუშეთიდან 22 კმ, ქსნიდან (უახლოესი რკინიგზის სადგ.) 20 კმ. 114 მცხ. (2014).

წყაროებში პირველად მოხსენიებულია XVII ს-ში. წილკნელის სარგოს 1669 წიგნში იხსენიება ფორმით „ირტობა“. ამავე ძეგლის მიხედვით ირტობაში ცხოვრობდნენ აზნაური კორინთლები. შემორჩენილია XVII ს. ხუროთმოძღვრული კომპლექსი, რ-შიც შედის კვირაცხოვლის დარბაზული ეკლესია, მასზე დას-იდან მიდგმული ორსართულიანი კოშკი და სამხრიდან და ჩრდ-იდან მიშენებული სამი სადგომი. ი. შედიოდა ქსნის საერისთავოში.

1818 ი-ში ცხოვრობდა 9 კომლი, 1930 დუშეთის რ-ნის მჭადიჯვრის სას. საბჭოში შემავალი სოფელი იყო და ცხოვრობდა 197 სული მოსახლე. 1965 კი დუშეთის უბნის ჭილურტის სასოფლო თემს ეკუთვნოდა და ცხოვრობდა 4 კომლი.

წყარო: ქართული სამართლის ძეგლები, ი. დოლიძის გამოც., ტ. 3, თბ., 1970.

**ჭ. გვასალია**

---